

Cur cha 455 scolars as radunan

Daspö passa ün tschientiner organischeschan las scoulas da Ftan fin Martina mincha nouv ons üna festa d'uffants. La festa d'ingon ha organisà la magistraglia da Sent a Tramlai.



Eir la mera es gnüda exercitada.

Minch'uffant dess pudair giodair d'ürant seis nouv ons da scoula populara üna jada üna gronda festa in cumünanza culs uffants dals cumüns da la regiun. «I'l center da quist inscunter sta il plaschair e'l star in cumpagnia e na la prestaziun», declera Gian Caviezel, magister a Sent e commember dal comité d'organisaziun da quist on. L'elemaint social e'l giodimaint vegnan cumbinats culla capacità sportiva. «Quai vaina fat in gövgia cun ün parcuors sül plan da Tramlai.»

Duos jadas il listess parcuors

Che far cun 455 uffants per cha tuots sajan occupats? Quai han scholt las 43 magistras e magisters cun ün parcuors. Quist parcuors cuntgnaiva posts cun exercizis da differentas capacitats: Pro ün post han las scolaras e'ls scolars exercità l'equiliber cun chaminar sur lattas via e pro ün oter lur mera cun trar ballinas da tennis sün troclas da tola. Implü suna its cul velo e siglits intuorn cun sachs. Cun ir culs skis in quatter stuvaivan ils uffants avoir üna buna coordinaziun. «Ils posts d'eiran organisats da maniera, cha tuot ils uffants hajan da far alch. Uschè nu vaivna ingüna lungurella», manzuna Gian Caviezel. In tuot han ils scolars absolt 12 posts d'ürant ün di inter. Per evitar grondas posas, vaiva l'organisaziun perfin preparà duos tragets culs listess posts.

Gronds e pitschens in gruppas

«Causa cha no vain fat bunas experienzas cun gruppas eterogenas, vaina decis da far quai eir pro nossa festa», explicha Gian Caviezel. Las 24 gruppas d'eiran masdadas tenor età e cumüns da Ftan, Tarasp, Scuol, Sent, Ramosch, Vnà, Tschlin, Strada e Martina. Mincha gruppa vaiva ün schef da novavla classa chi d'eira respunsabel pels pitschens. El manaiva da post a post e pisseraiva chi nu detta dispitta. Ils uffants vaivan survgni t-shirts in tschinch differentas culuors. Particular d'eira cha mincha classa ha pudü crear binderas in quellas culuors. Quellas binderas inromaivan il plan da Tramlai, ingo cha'ls uffants s'han radunats a la fin da la festa per far ün sot modern.

Svilup da la festa d'uffants

La festa d'uffants illa part suot da l'Engiadina Bassa vain organisada fingià daspö bundant tschient ons. Ün chi's regorda bain a las festas dals ultims decennis es Richard Marugg, magister pensiunà da Scuol: «Cur ch'eu d'eira mat, d'eira la festa ün evenimaint cultural per tuot ils cumüns.» El manzuna il cortegi e'l teater sco elemaints importants da la festa da quel temp. A partir dals ons 60 s'ha quai müdà plü e plü ad ün'occurrenza sportiva. «L'inscunter dals uffants dals differentes cumüns es però restà l'intent essenzial da la festa » Siond cha hlers scolars handunaivan la scoula populara

drucken

schliessen